

M253: Pariser Gebete

236,8 diz ist ein gebet von unser vrouwen sancte Marien .
 236,9 heilic wis dû heiligiū maget gewîhet sîst dû reinestiu
 236,10 brût . gesegenet sîst dû mandunge des êwigen
 236,11 lîbes . heilic sîn dîniu reiniu ôren . diu dû vernâmen die himelischen
 236,12 boteschaft . heilic sî dîn geloubigez herze . heilic
 236,13 sî diu wambe . dû dû inne bruotest daz heil aller der werlte .
 236,14 nû bite ich dich durch die stimme
 236,15 des êwigen vaters . unde durch die kumft
 236,16 dînes lieben sunes . unde durch die wonunge
 236,17 des heiligen geistes . daz dû mich
 236,18 vernemest über die angst
 236,19 mînes

237,1 herzen . unde mîner
 237,2 vriunde . – . unde lâ uns des geniezen
 237,3 daz dich der hôheste wîstuom erhôrte durch
 237,4 [die] armesten sîntær . daz dich diu heiligiū vorebesiht
 237,5 erwelte . durch die sîntigen werlt . gehûge des genædigiu
 237,6 vrouwe . daz dich der êwige vater minnet . daz dû
 237,7 hulde gewûnnest den verworhten schalken . genædigestiu
 237,8 muoter gehûge der werke . die der heilige geist an dir worhte .
 237,9 durch diu schuldigen kinde . nû wis genædic mir sîntigen .
 237,10 und allen mînen vriunden . – . umbe die ich armez wîp dich vile
 237,11 digelîchen vlêhe . umbe die mîniu ougen weinent . umbe die
 237,12 mîn sêl serwet . umbe die mîn muot siechet . umbe die mîne muot
 237,13 arbeitet . daz ich mich dîner genâden an mîner angst verstên
 237,14 müeze . die ich hân von rechter mîner gearnede . nû loese diu
 237,15 gebende mîner sünden . nû sterke mich wider die
 237,16 broede mînes herzen . beschirme mich in dem
 237,17 zîte mîner jugende . gewîse mich in dem
 237,18 zîte des angestlîchen ellendes
 237,19 geheile

238,1 mich von den wunden
 238,2 mîner bekorunge . ertoete an
 238,3 mir die giredē der unsæligen werlte . ersterbe
 238,4 an mir die vliezende giredē mînes vleisches . vrouwe
 238,5 genædigiu hilf mir daz ich an dem jungesten urteile . des

- 238,6 geniezen müeze . daz ich mich williclichen in dînen gewalt
 238,7 ergeben hân . ich bevilhe mich an dîne genâde ich opfer
 238,8 mich ûf dîn erbermede . daz dû mir helfest daz ich mit vrôuweden
 238,9 scheide von dem urteile . dâ dâ gewonnen mit wirdet diu êwige wünne .
 238,10 dâ got êwiclichen schenket den wîn der êwigen mandunge .
 238,11 des bite ich dich genædigiu vrouwe . durch die reine geburt
 238,12 dînes lieben sunes . durch der engel willen die dich wîsten in
 238,13 dîner gebûrte . ich mane dich suezestiu anima . durch Josephes
 238,14 willen . daz dû mir genædic sîst . ich bite dich küniginne .
 238,15 des himeles unde der erde . daz dû mich armez
 238,16 wîp vernemest über mîne sünde . durch
 238,17 die heiligen toufe . dâ got inne wuoch
 238,18 die meintæte aller der werlte .
 238,19 nû genâde

 239,1 mir durch sancte
 239,2 Johannis willen . des hêren toufæres .
 239,3 genædigiu vrouwe ich mane dich der heiligen
 239,4 marter dînes unschuldigen kindes . daz dû
 239,5 mich süntigez wîp loesest von den gebenden mîner sünden .
 239,6 ich bite dich vrouwe durch der zehere willen die genühticlichen
 239,7 von dînen ougen vluzzen . daz dich erbarmen mîne
 239,8 trehene . die ich ûz gibe an dîne genâde . durch die angest mîner
 239,9 sünden . gehûge genædigiu vrouwe . des weges den dû ûf den stein
 239,10 zuo im gienge . dâ er dâ genædiclichen bevalch sancto Johanni . in
 239,11 der jungesten nôt sîner marter . gehûge mînes sêrigen ganges .
 239,12 den ouch ich nâch mînen schulden nâch dir tuon . gehûge des
 herzensweren .
 239,13 daz dû sæhe nagelen dîn unschuldigez kint . zuo
 239,14 dem galgen des heiligen kriuzes . ich bite dich durch die
 239,15 klageliche stimme . die er lûte in sîner marter . durch
 239,16 den antlâz dâ er sînes vater hulde gewan . nû
 239,17 vernim mîne stimme . unde den klagelichen
 239,18 ruof . den ich tuon in
 239,19 den angesten

 240,1 mîner sünden . und
 240,2 aller mîner vriunde . ich bite dich
 240,3 genædigestiu vrouwe . durch den tôt den dû an
 240,4 sæhe . unde durch daz bluote sîner sîten . daz dû mich
 240,5 erhoerest über alle die angest mîner sünden . unde über
 240,6 allez mîne trüebesal . heiligestiu troestærinne aller trûrigen
 240,7 herzen . trûtvrouwe dû kum mir ze helfe . durch des heiligen
 240,8 grabes . willen . dâ unser hêre inne lac . durch sîne michel diemüete .
 240,9 nû gehûge trûtvrouwe . wie dînem herzen wære . dô dû von sînem
 240,10 grabe gienge . unde erbarme dich über mich armez wîp . unde
 240,11 getroeste mîn sêrigez herze . durch willen der heiligen urstende .
 240,12 dâ dîn herze mit gelabet wart . unde gevrôuwet wart . dô dû

- 240,13 in mit dînen ougen erstanten sæhe . den dû dâ vore sêriclîchen
240,14 gebunden sæhe . in sînem tôde . ich bite dich heiligi
240,15 muoter . daz dû mir süntigen etelîchen trôst gebest .
240,16 unde sendest durch êre der vrôuwede . dô dû
240,17 dîn kint erstantenez sæhe . und hilf
240,18 mir daz ich enzît erstên
240,19 müeze .
- 241,1 von allen mînen
241,2 sünden . unde von allen mînen angesten .
241,3 von aller übelen gewoneheit . und
241,4 von allen angesten mînes lîbes unde mîner sêle
241,5 hêrre genædiger schepfære
241,6 des himeles unde der erde . dû gevroudest die
241,7 in dem hellesêre wâren . dô dû erstüende von
241,8 dem tôde nû getroeste mîn sêrigez herze . durch dîn urstende .
241,9 in der nihtes vergezzzen wirdet daz ich an dînem trôste lâzen werde .
241,10 hêrre gehûge mîn durch dîn heilige ûfvart . durch den michelen
241,11 âmer dîner heiligen muoter sancte Marîen . unde aller
241,12 dîner minnære die dîner mennischheit mit vroelîchen jâmer nâch
241,13 sâhen . in diu êwigen rîche . nû geruoche dû gevrôuwen mîn
241,14 barmiclich gesiune . daz ich dir tuon mit ougen und mit
241,15 herzen . nû getroeste mich hêrre durch den heiligen
241,16 trôst . den dû santest dînen jungeren . an dem
241,17 heiligen geiste . nâch dîner ûfverte . hêrre
241,18 himeles unde der erde ienoch
241,19 bîten wir –[...]